

愚

齋

存

稟

愚齋存彙卷第五十七目錄

電報三十四

寄美京伍大臣

京外務部來電

寄劉峴帥張香帥

寄北京外務部

劉峴帥來電

美京伍大臣來電

寄京王中堂

寄清江陳筱石漕帥

寄京外務部

寄香帥

京外務部來電

寄京外務部

寄京王中堂

又

京王中堂來電

又

寄京外務部

京外務部來電

寄京外務部

香帥來電

寄香帥

峴帥來電

京外務部來電

粵督陶方帥來電

寄京外務部

香帥來電

寄陶方帥

寄香帥

寄香帥

卷之二

思清樓藏板

京外務部來電

寄京外務部

又

美京伍大臣來電

浙撫任筱帥來電

京外務部來電

寄京外務部

京外務部來電

寄北京王中堂

又

京王中堂來電

寄香帥

保定袁慰帥來電

寄京袁慰帥

寄京王中堂

寄外務部

京袁宮保胡侍郎來電

寄太原岑雲帥

寄外務部

寄濟南張安帥

愚齋存彙

卷五十七目錄

三

寄太原岑中丞

寄濟南張安帥

寄香帥

岑中丞來電

外務部來電

寄外務部

汴撫錫清帥來電

寄錫清帥

寄太原岑雲帥

外務部寄韓使許大臣電

外務部來電

岑雲帥來電

寄廣州陶方帥

雲南魏午莊制府李仲仙中丞來電

寄滇魏午帥李仲帥

寄外務部

又

寄外務部路礦總局

寄東撫張安帥

外務部來電



成都奎樂帥來電

京葛振卿尙書胡雲楣侍郎來電

寄京葛尙書胡侍郎

東撫張安帥來電

寄外務部路礦總局

寄川督奎樂帥

寄軍機處外務部路礦總局

寄江督劉峴帥蘇撫恩藝帥

愚齋存彙卷第五十七

電報三十四

寄美京伍大臣

光緒二十七年十一月二十八日

美公司如將利權轉賣他人是違十七款若查有非轉賣確據事權仍在美三兆用完便可照約續售票請即訂小票格式候核奏刊

京外務部來電

十一月三十日

頃准俄英兩使函稱上年冬間大北大東兩公司與中國電局重修大沽至京電線津京復設電局會同中國局員設法管理而大北大東兩公司係

歸俄英兩國保護現願照章接辦各奉本國訓條  
轉請飭行照辦等語希酌核電復

寄劉峴帥張香帥 十一月三十日

奉鈞電馬使到甯鄂所論一切及香帥電示各條周密  
之至謹當奉爲圭臬賤恙已痊馬使現訂初一日開議  
俟開議後當卽逐件函電詳達請示一切

寄北京外務部 十一月三十日

英專使馬凱現訂初一日開議商稅事宜俟開議後謹  
當隨時函電詳達請示一切

劉峴帥來電 十二月初一日

三十電悉商約稅則關係國計民生至鉅彼遊深  
諳此事各員擇利與我商改在我竭盡思慮相機  
以應國勢既不相敵深恐明暗兼受其虧若再於  
彼此互相籌計稍存客氣遷就必更受大虧江鄂  
於商務既非躬親其事其中利弊最難洞澈無遺  
惟有各抒所見聊資贊助而利害所關全賴我兄  
切實推敲指示商辦是以香帥覺電做處曾經領  
教今將鄙見陳鑿此次議約聞外人注意在路礦  
免釐等事而釐捐尤爲深惡必思議裁而後加稅  
照商會所議可加至值百抽十或多至十二五若

欲仍留內地之釐非但洋稅難加且必如鄂言不  
明免亦必盡歸洋旗多方箝制隱爲阻撓雖有如  
無轉受大虧蓋洋商領單辦運土貨照約本完半  
稅不完釐金然沿途過卡呈單候驗再不免延時  
索費是以情願多加洋稅冀圖裁釐便於運貨釐  
不全裁留難仍不能免彼何樂爲此若領單之貨  
過卡不驗則隱射加帶弊將百出與其不全免隱  
受牽制稅不能加釐受暗虧不如加稅免釐從此  
交涉可省無數葛藤明知加二十必不能允第不  
能不預進一步留爲磋磨之地然釐金全免稅卽

加至十五仍得不償失不能不將土貨出口之稅酌加照現約正半共抽七五加至抽十僅增二五若出洋大宗之絲茶不但不宜加且必須計值核減統盤籌計當無所損西國於貧寒日用所需之物概免抽稅富商鉅室所用者必重徵之用意至爲深遠中國年來百物昂貴貧民食用維艱多爲釐金重累釐若全免物價必平不獨食力之民易於溫飽工料之價亦必減廉出口之稅雖加無多然非此不能補免釐之缺全釐盡免民生物產獲益甚大出口之貨必可暫旺此卽鄂十一條註所

云各義至免釐後地方所需仍可酌量收捐西人  
所謂鄉約巡捕等捐外人當不能阻惟須酌定限  
制印花稅本屬西法彼不應阻自宜議約時先行  
聲明至洋商內地辦貨必須假手華人斷無一塵  
不染之理資本雖巨用費必繁斷不能如華人自  
行辦貨之核實省費似不致因免釐華商運貨之  
利盡爲所奪釐不免華人託洋人出名包庇諸弊  
萬不能免不特礙事權漏釐金生枝節且洋商轉  
得坐收費用之利惟製造之事華商萬不敵洋商  
考核之精資本之厚現正仿行西法內地華廠必

日漸增設洋商所不能與華商爭者內地製造之  
利卽如滬上製造華廠不敵洋廠內地通州錫金  
之廠卽勝於洋廠假使通州等處亦准洋商設廠  
則大生等廠必受傾軋之虞此實明證是內地製  
造萬不可允廠稅亦不可輕減慮其洋貨在華製  
造暗減進口之稅若以日本文憑載明華洋一律  
儘可查照譯署前議按其歲輸量予津貼此爲國  
家維持商務西國通例業將以上各節電鄂務祈  
卓裁詳晰指示爲禱

美京伍大臣來電 十二月初二日



美公司六千股比人購去四千現仍由美人出名  
董事美五人比二人事權尙在美據稱合同並無  
轉與他國人未違十七款三兆元應按第四款交  
出售押之小票交繳云候示卽訂小票式

寄京王中堂

十二月初二日

李文忠薨後莊佩蘭等將賢良寺線并歸署局本無此  
辦法此閒誤會出自各堂之意故未敢擅動現飭將保  
定各商線照舊并入商局今後商局永設內城各使館  
洋報可徑送商局無庸在署外另設官局轉致紛紜外  
務部署內官報房專遞官報應歸王道督理莊令等均

撤去以一事權

寄清江陳筱石漕帥

十二月初四日

敬賀榮任大喜京畿事得手公之力也 朝廷倚畀方殷指顧兼圻天下之福弟承議商約彼族挾求無厭病軀深慮弗勝惟公有以教之貴署通電已飭晏丞估價代辦

寄京外務部

十二月初五日

陷電俄英兩使函內現願照章接辦一語殊爲費解竊恐譯文詞不達意請向英俄兩使索取洋文底稿電示以便商復

寄香帥

十二月十一日

電話總辦周萬鵬電稟謁見關道各領事尙無回文連日遍拜工部局董並西國官商據稱來遲各國租界已於三月前允許德郵政局立桿挂綫德法二界現已開工挽回不易又稱德郵局開辦德律風係代政府出面不特漢口一處卽沿江海各口岸尙須推廣以張權力今彼甫至漢口開端尙不力爭後必蔓延難圖且慮侵及華界制憲事煩不見已託梁道敦彥代稟請飭關道再備照會催取各國領事復文等語前奉大咨未允德請或尙可挽回如漢口在尊轄不能挽各口更無從設

法可否派辜鴻銘會同關道與德領事商議乞示

京外務部來電

十二月十五日

福公司請造澤州至浦口鐵路前於十月有電查詢怡和洋行議修浦口鐵路草約能否作罷尙未接復希速電復

寄京外務部

十二月十五日

前奉十月有電後福公司並未來滬商酌怡和近日因滬蘇甯鐵路由英領事奉政府命送來合同條款仍載有浦信鐵路如大部擬准福公司澤州造至浦口似可與英使說明由福公司自向怡和商酌兩家同屬英商

由訂約之人勸怡和作罷怡必不允不及英使自行勸  
罷也乞鈞裁

寄京王中堂 十二月十五日

峴帥來電嚴作霖等請奏撥秦晉義振餘款十餘萬兩  
辦江儀隄工昨電飭程運司稟復亦以地段綿長請予  
奏撥以濟要工而救饑溺查此項振餘能否照數奏撥  
爲江儀隄工之用祈卽酌示云查義振捐獎前蒙給發  
部照計收實銀七十萬兩歸墊之外約餘一半秦晉已  
無需若悉以解部無可融銷只有外開撥用一法如峴  
帥電奏以此項義振餘款多撥二三十萬爲沿江水災

築隄工振之用能否照准如將此款寶銀儘數解部能否將按照秦晉外辦章程據實咨部乞鈞示

又十二月十五日

加稅事奉部真元電復與英使密商略有意思彼恐他國阻撓我亦恐自家阻撓現將此事先行密議俟有端緒再作公事以免各處紛傳各有隔礙總之現議加稅比上年更難因洋商已求彼政府力除釐金之害如設法斡旋不特使原有進款無虧且盼加增外國一面其難可想更慮自己主意不定局中多出難題局外多發浮議半途而廢殊足寒心現在政府能否持定主見但

責成收數有盈無絀商民有利無害其他夾雜浮囂諸議皆所不問始可與英使澈底商籌仍隨時電達此事從前歷史中堂聞之最熟現在情形乞中堂審度密示

京王中堂來電

十二月十七日

秦晉振餘撥充沿江工振得峴帥瀝情籲請必可邀准電不如摺可以剴切言之所遲祇旬日也加稅事只期收數有盈無絀商民有利無害其他亦復何求試與英使澈底商之

又十二月十八日

本日有人參奏陝振保案冒濫牽涉樞臣子弟上

意甚怒謂大臣且如此何怪其餘所有鈺孫順直  
勸捐保案務卽聲明係大員子弟不敢佈邀獎敘  
速電慰帥千萬扣除感荷成全至禱至叩

寄京外務部

十二月二十日

當上年之亂中國電局在直隸省之電線全遭拆毀當  
時亟須通達電音而電局不能卽將陸線修復使京津  
與外埠通電故允丹國大北英國大東兩公司相助於  
滬烟沽安放水線並修復沽津京陸線皆由電局出資  
辦理彼此訂立合同議明滬沽水線由兩公司代電局  
經理以二十五年爲期其京沽陸線暫由兩公司代辦



一俟中外和局告成卽將線局一并交回電局自辦等語此項合同當經呈送駐京英國公使並俄國兼代理丹國公使核准照辦在案現在中外和局告成電局按照合同欲將京沽陸線卽行收回自辦蓋電局以中國主權所在歷經遵守仍當守之勿失此在外洋各國莫不皆然故在中國境內之陸線必當由中國自辦也電局又欲報務辦理得宜故現擬於京津沽三局仍延用西人辦事購用極新式之靈妙機器不惜重資電局如此竭意經營無非欲將京沽線局臻於妥善且欲漸次整頓中國他處報務此事爲中國主權所關英俄兩國

不應爲之干預如須電局洋參贊來京當令其恭詣鈞  
署面稟一切及與英俄兩公使晤商

京外務部來電 十二月二十二日

現據英使函稱福公司請將襄陽鐵路改由懷慶  
至浦口一事上年五六月間該公司總董哲美森  
繪具改道圖說迭向尊處面商等情該路與盧漢  
幹路及怡和訂辦之浦信鐵路有無妨礙希卽查  
核電復再前送粵漢鐵路合同上年因亂遺失並  
希鈔寄備查

寄京外務部 十二月二十二日

本年二月哲美生送來懷浦鐵路說帖卽鈔呈粵漢合同亦卽補咨該路與盧漢幹路及浦信路究竟有無窒礙容與比工程師及怡和妥商另復

香帥來電

光緒二十八年正月初四日

粵漢鐵路議定兩年尙無開辦之期不解其故尊處當知其詳粵漢路成乃盧漢之利也能設法促之否祈示復

寄香帥

正月初五日

伍使電美公司已先集股美金三百萬元派總辦來華約二月內到始聞美商轉售比國慮爲法攘正擬商議

台端執定十七款毀議近據伍電美公司止將股分售與比商三分之二仍係美人出名並未將合同售比較之盧漢比公司攬法股稍好又因美商怡和攬辦滬甯鐵路改送新約使我主權全失可見外人覬覦權利愈出愈奇粵漢美約底本尙不離譜若另換更喫虧似不如仍舊催辦爲妥鈞意當以爲然

峴帥來電

正月初八日並致香帥

日本官弁保護 宮廷已有 旨令蔡星使查職名擬酬給寶星上年東南互保聯約之駐滬各領均能共顧大局似亦宜有以酬之鄙意欲由江鄂

與杏兒會奏給予寶星惟英國定例別國頒給英人寶星必須由外部奏明方能領受有二條聲明外部不應奏聞一節在他國英官仍歸英管者從前駐閩英領費笠士及英使威妥瑪皆給而不受是英領給既不能受不給又向隅因此躊躇應請香帥杏兒詳酌見示爲盼

京外務部來電

正月十一日

頃美使函稱粵漢鐵路公司現開辦三段工程一由廣州至三水經過佛山二北幹路三續立合同所准之由萍鄉向淶口等語所開地段是否與合

同相符希速電復

粵督陶方帥來電 正月十七日

准外務部電開比法公司請辦三水至梧州鐵路  
由粵省給地聽購路成後僅得一成銀息路權盡  
失礙難照辦此事本無允准案據如不能作罷論  
可照粵漢鐵路辦法由該公司與盛大臣商辦另  
訂合同等因除函請法領事轉致比法公司逕向  
尊處商訂合同呈候外務部核明奏辦外乞示復

寄京外務部 正月二十二日

前奉電詢福公司擬造鐵路與盧漢有無妨礙頃據總

工程司沙多稟復該路若由懷慶造至浦口則河北河南生意本由盧漢鐵路直達漢口勢必分至浦口盧漢借款全仗路利分年歸還且目前尙有一半股票未售如果另添一路勢必售票爲難恐旣不能完工尤關緊要如福公司必要興辦亦須俟盧漢完工之後察看情形方可允准等語查該公司所論關係甚大務求俯賜查照

香帥來電

正月二十二日

粵漢鐵路誠宜催辦萬不可任其再宕來電美商怡和攬辦滬甯鐵路云云查怡和係英商美字是

否英字之誤改送新約條款如何浦口鐵路英使  
已允照粵漢章程甯滬似亦可照辦萬望勿許他  
項利權爲要昨馬電想已達均祈速復清恙已愈  
爲慰

寄陶方帥 正月二十三日

三水至梧州一段法意在鈎連越軌直貫腹地銀息薄  
路權失尙屬餘事務望尊處持定駁回能留一分是一  
分能緩一日是一日若至留無可留緩無可緩照粵漢  
合同尙不至主權盡失也

寄香帥 正月二十三日



福公司所商路事做處堅持未允一爲盧漢生意有礙  
一爲怡和合同有礙昨復外務部一電鈔呈鈞覽前年  
英使代怡和議造浦口至河南鐵路做處持定信陽爲  
止與盧漢相接是有益於盧漢此次福公司來商此路  
據說係爲運礦起見論正理何難與盧漢訂一合同由  
懷慶代爲運至漢口若專爲福公司運礦而使我國  
家又負數千萬洋債實無此理況怡和誠不肯舍浦信  
已成之議而不造至中國應造之路尙多應造者不及  
造不應造者重疊請造毫無自主之權築室道謀貽害  
甚大尙乞我公統籌示復如蒙將此意電告外務部尤

幸

京外務部來電 正月二十三日

德使來函以萍鄉至湘河鐵路曾由尊處與禮和洋行議及並予復函內稱該路若屆西歷一千九百年美公司尙未興修卽向該行借款訂辦現美已逾期請轉致尊處照辦等語已咨達計尙未到頃美使來言此路未辦係因亂阻滯與無故逾期情形不同現美商已集股前往商辦擬卽開工請電尊處云應俟咨到統籌電復

寄京外務部 正月二十四日

查粵漢鐵路合同武昌至廣州經由三水卽美使函述  
之第一第二段其萍鄉至涿口枝路續約訂明一千九  
百年十二月一號以前美不興造准將此條刪除歸總  
公司自辦現已由總公司籌款自造將抵醴陵原訂合  
同卽日鈔寄

又正月二十五日

萍鄉至湘河鐵路已由總公司籌款自造美國合同本  
載明逾限卽可抽出另辦至禮和洋行曾願借款總公  
司因此枝路需款無多尙可自籌已決絕回復以免枝  
節除俟咨到再復外先此電陳

美京伍大臣來電 正月二十八日

美議院續議禁例甚苛此例若行大礙華旅延極力駁詰相持未下請公明告美領事西訪事謂華僑電稟尊處如美例太苛請設法禁美人來華以爲抵制等語議院聞之當有忌憚廷亦易於措手此電宜秘

浙撫任筱帥來電 正月二十九日

譯書已將辦法奏請 俞允誠盛舉也此事非各省協助氣脈不能宏遠非公總理書籍不能劃一實爲新政第一要務若能定局公當不朽

京外務部來電

二月初一日

現美使函稱萍鄉至淶口枝路續約第二十五條載明一千九百年九月以前美不興造准將此條刪除惟第十八條亦列如遇經造路有礙之亂事展緩限期等語兩條合看該公司因前年遇亂不能興工猶未失應造枝路之權照約仍須歸該公司辦理如總公司已開辦所有合理之用款該公司亦擬繳賠工程司現已抵華請電達商辦等因查此路前據來電業經籌款自造德商禮和借款亦已毅然回復若復據美使函稱前因究應如何

辦理希與美工程司妥商定局以免膠轕並電復

寄京外務部 二月初二日

美使爭辦萍鄉枝路甚無道理因該公司現籌資本甚少粵漢幹路尙恐不能一氣呵成擬俟其代總辦兼工程司晤後妥商再定全局頃據該代總辦克釐函稱到滬卽日先赴京再來滬等語如到貴部議及路事請推卻令其來滬商酌

京外務部來電 二月初四日

粵漢公司總辦如來署議及路事卽令其向尊處商酌再法比公司請辦三水至梧州路已由粵督

飭該公司向尊處商訂合同現據美使函稱粵漢公司繕送路圖係有由廣至梧之路線該公司總辦行將到京面商應請將三水至梧之路暫行停議以免枝節等語查粵漢續約所載祇由廣州繞經三水並無接至梧州一條該公司前送路圖線向是否抵梧希查明電復如法比公司到滬商訂三水至梧州鐵路合同應暫從緩議俟彼此商明再行核辦以期妥洽

寄京王中堂

二月初七日

昨爲義使請派盧稅司恐失用人主權係呂鏡翁之意

記得前年二赤面談加稅議到德國須派稅司中之德人以免他國疑忌現派隨議皆英人將來與他國議約必須變通請先與二赤妥商爲是

又二月二十日

聞俄約將成東三省電線能否收回漠河觀音山金礦及宋春鰲所辦吉林三姓金礦能否仍歸華商自辦宋道在滬擬與德國商人合辦吉林金礦恐與俄約不符乞詳示

京王中堂來電

二月二十一日

俄約定後三省電線自應收回吉江金礦華商自



辦當無異說此次約內並未言及礦務現外務部  
奏定章程凡擬辦礦須先由部核准宋道所擬合  
辦一節此時應毋庸議免生枝節

寄香帥

二月二十四日

美國公司派來代理總辦赴漢游歷必來謁見請詰責  
其粵漢合同載明美國借款何以將三分之二轉售比  
國彼必以董事美多權仍在美爲詞乞諭令電美權勿  
讓人一切須照合同辦事勿再越權此人初到尙無沾  
染借重鼎言回滬議事或期就範

保定袁慰帥來電

二月二十四日

頃雲翁復電現議接收鐵路無華工員勢難措手  
云愚見折中調停宜各得其半請先遣詹天佑北  
來暫留鄜待三月後遣尊意如何速復

寄京袁慰帥 三月初一日

承示先遣詹北來留鄜後遣深感公誼頃據醴陵路工  
局稟復請另派一人來詹天佑方可抽身除已電美國  
延訂外俄國鐵路究於何日接收乞確示雲翁同鑒

寄京王中堂 三月初二日

蘇漕爲太古奪運大成馬凱請入新約永以爲例此皆  
委員得賄所致蘇撫已於二月二十二日入奏尙幸合

同係與華人王增祿所訂洋人未畫押各州縣米尙未  
買勢必援照浙江酌請折價合同似尙可廢現有公電  
到部日內蘇撫奏到務請電 旨嚴駁招商局水腳去  
年已減五分且每年報効皆在漕內開支洋行所減甚  
微並欲客貨免稅一成意在帶貨免稅公中喫虧何止  
數分況一入新約准運仍必加價多方挾制此洋人慣  
技也

寄外務部

三月初二日

英使近日力爭第三款係因本屆蘇漕議與太古洋船  
裝運所致爲難情形已詳公電查沙甯船年少一年招

商局輪船近年承運已七八成卽如上屆下半年趕運  
新舊漕連江北漕亦祇剩八萬餘石封河退轉今春因  
火車岔道未成倉場來電須三月底開運招商局棧房  
不敷特在沽滬增添修造米棧所費不貲乃忽有漕運  
委員與華夥王增祿私訂合同代太古洋船攬裝漕米  
三十餘萬石之多並欲帶貨免稅一成實堪詫異李文  
忠創設商局向爲洋商排擠迭次奏奉 諭旨漕糧軍  
米一切官物皆歸中國輪船承運一則利不外溢二則  
權自我操非僅爲保護商局起見而商局每年報効海  
軍及學堂經費爲數甚鉅去年起運漕水腳比較沙船

每石又減五分在華商不爲不出力今宣懷正奉政務處咨行請 旨飭將商務應辦各事詳加考察奏明辦理如招商局實爲商務已成之局漕糧軍米尤爲中國自有之權若復爲洋商所奪在華商必更心寒氣散難期推廣卽如馬使聞此消息欣然力助洋商竟欲將此一節列入新約爲永遠計中國若欲振興商務斷難自行退沮日內蘇撫奏入應如何准駁之處伏乞鈞裁

京袁宮保胡侍郎來電

三月初三日

俄路訂與英路同日交還現英已議運兵條款不久可接收仍懇顧全大局速飭詹天佑先行北來

若俟尊處延訂美工師到華再遣詹歸恐不及接  
收俄路大局殊有關礙敬乞曲諒至懇

寄太原岑雲帥

三月初九日

路礦正擬於商約設法磋磨昨奉外務部頒到路礦總  
局奏定新章洋人與華人一律看待恐此後更無限制  
礦章如此恐路章亦同矣

寄外務部

三月十一日

山東張中丞蒸電稱准德督函稱擬修之津鎮鐵路該  
公司必須先將沿途山川情勢考察明晰始可開工並  
擬派工程司先驗經過黃河應造橋梁不久卽赴該處

愚齋存彙

卷五十七

電報二十四

九

愚齋存彙

請發護照並飭保護等語查津鎮鐵路係歸何公司承辦是否有德商在內派員查勘一節曾否商明尊處敝省未准外務部咨達無可稽考希卽查明詳晰電復以便酌照辦理等語查津鎮鐵路敝處亦未准貴部咨照應請查明徑復東撫

寄濟南張安帥

三月十一日

津鎮鐵路前係胡侍郎與英德公司訂立合同敝處近亦未准外務部咨照頃已將尊電轉達外務部酌定徑復尊處矣

寄太原岑中丞

三月十二日

東邯鐵道將來應歸盧漢支路甚佩卓見東陽關地屬何縣中間山徑河流均請飭查詳確繪具圖說寄示以便委員勘辦

寄濟南張安帥 三月十二日

津鎮路草合同查案係許竹筠張燕謀二公所定尙未訂立正約頃已將草合同密鈔郵呈台核

寄香帥 三月十五日

粵漢路現議開辦伍使所畫正約咨過外務部言明俟開辦時再行入奏伍使來電美公司催售借票必須奏准方能刊印前年請辦此路敞處係照盧漢會列鈞處



北洋三衙以後或會楚粵兩督部或併會兩督三撫或列前衙或列後衙乞鈞示

岑中丞來電 三月十七日

東陽關在潞安府黎城縣東二十里通河南涉縣入直隸邯鄲境已飭繪圖貼說合先電復

外務部來電 三月十九日

中俄電線合同前經俄使照請再行商訂展限已咨尊處久未接復現又據該使照催希即查照前咨速復爲要

寄外務部 三月十九日

中俄電線合同係李中堂與喀希尼畫押原合同一送  
總署一存北洋敝處只有底稿卽日鈔呈俄使旣欲展  
限已催令商董會議並派洋參贊宋納赴京與俄使面  
商收回東三省電線俟宋納回滬議妥卽可咨復

汴撫錫清帥來電 三月二十一日

昨錫樂士來汴仍以開辦禹稽煤礦爲請惟所議  
辦法與路工章程不合當以鐵路近處開礦須以  
尊處咨文爲憑批復在案刻下敝處爲自保利權  
派員設有豫南公司專辦大河以南礦務竊查豫  
礦煤爲大宗將來路之所經煤所必需果能開采

洵屬彼此有益鄙意擬與尊處聯合商辦何如祈  
電復

寄錫清帥

三月二十三日

鐵路必須沿途開礦方有貨運而河北已爲福公司所  
佔南岸自設公司以保利權卓見甚佩承尊意願與敝  
處聯合商辦苟有益於大局必當竭力相助錫樂士並  
未稟明敝處擅自請辦實屬不合儘可批駁

寄太原岑雲帥

三月二十四日

晉省前年所購紡紗機器聞棄置衛輝新鄉一帶河干  
鍋爐等大件則在天津久必廢棄可惜尊處似應派員

查明分存處所究尙完全否如運籌爲難似可在彰衛一帶沿河產棉之地設廠開辦以收利權而免廢棄

外務部寄韓使許大臣電 三月二十五日

東三省電線前接盛大臣電已派洋參贊宋納到京與俄使面議收回至中韓電線現由本部電達盛大臣設法修復巴使謂允歸俄辦並無其事希告韓外部

外務部來電 三月二十五日

頃接許使函稱中韓電線韓廷屢催修整現駐韓俄使向外部言東三省線已允俄辦即日建至義

州與韓線相接等語查東省電線前接尊處效電已派洋參贊到京與俄使面議收回中韓電線亦必應趕緊修接以免俄人侵奪希迅速核辦並電復

岑雲帥來電

二月二十六日

徑電囑令接辦紗廠蓋慮感佩前項機器大致完全惟購價已將商務局本銀耗盡今若議接辦更須續籌運費建廠費官款萬細晉商目光太小斷無可籌我公全局在胸擬懇號召商中鉅商集股在豫境接辦前項機器或由新商繳價或作爲晉

省股分均可商酌公主持商務一經號召必有應者可否請鈞裁示復感盼

寄廣州陶方帥

三月二十六日

銀行存款十萬展期一年甚感粵漢鐵路開辦照合同第七款應用基地中國自備資本購買可給以鐵路地價股票年息六釐此係爲保全中國鐵路根基起見基地爲我自置造軌雖係借款根本不致動搖第一面派員招股尙須借助官力粵省自經剛相搜括情形可想而知惟此係有息股票將來鐵路造成地價日漲餘利必厚除擬章程咨請不拘官紳皆可勸辦外聞運庫略

有存款孔安都轉素顧大局可否商請酌提二三十萬兩以充地價股票如湊不足銀行存款或卽提歸地價股票年息六釐亦屬穩當國都轉同此致意並乞電示

雲南魏午莊制府李仲仙中丞來電

三月二十七日

滇越鐵路法正勘工雖具草章尙未開議現准方領事照稱鐵路公司須創立電綫一道接連鐵路及各廠地專爲造路養路開廠而設不與他處電綫相通商請照允等語查鐵路礦廠創立電綫本實相需惟滇越鐵路由中遠外與內地情形不同礦廠雖未勘定亦必所在皆有電路四通似於邊

防限制不甚相宜惟既許造路開礦能否不允安  
電或必需照允或尙可設法防制滇中乏諳交涉  
之員諸形茫然特懇賜教夙欽公亮拱候電示以  
憑答復盼切禱切

寄滇魏午帥李仲帥 三月三十日

鐵路須藉電線通靈消息既允造路而不准其設立附  
路之綫恐做不到惟鐵路設線不得與他處電線接通  
所發電報亦祇爲鐵路公事之需不准帶收官商各報  
盧漢淩滬鐵路係中國自辦尙且如是似應由尊處照  
復法領事飭經辦洋人先將鐵路所設之線不與他處



電線接通並不帶收官商各報等情令其具結存案至  
礦廠如無鐵路之處諒亦無需設線倘須設立與我電  
局線路相隔不遠將來可得養線之費卽由電局自行  
接線免失權利除咨外務部立案外乞酌奪

寄外務部

三月三十日

洋參贊朱納見俄使擬請開議收回東三省線路俄使  
謂約載交還東三省分六箇月十二箇月十八箇月三  
期期內俄兵未撤礙難准電局前往修復電線等語旣  
俄使不允尙難前往修整亦不能與韓綫相接應請責  
部轉告許使屬其密告韓外部婉謝俄使一俟遼東退

還即可接通

又四月初二日

豫撫三十電福公司開辦豫省修武縣老流河礦務已  
難中止惟該公司築造支路由修武至道口東西橫貫  
似有關幹路權利且與礦務新章第八條不符查獲嘉  
縣距修武老流河一百零五里爲幹路所必經又新鄉  
縣之楊樹灣向來通船距老流河陸程一百三十里係  
屬最近水口今該公司所造支路乃踰衛輝而東支不  
附幹流弊孔多事由貴大臣主政除電外務部及路礦  
總局外相應據實電達應如何設法商訂之處卽祈查

照核辦望復云各國運礦鐵路皆屬以支附幹所以求  
餘利防虧本也若中國造路之權在人不在我事前未  
及通籌事後輒生枝節外人各謀穩利絕不顧我地主  
清帥所商極是但恐福公司已定之局無可挽回乞鈞  
示

寄外務部路礦總局

四月初六日

前因盧漢鐵路須辦臨城磁州煤礦咨明在案頃據柯  
道鴻年電稟臨城礦總辦龔道照璵等索價現銀十萬  
兩紅股三十五萬兩先付定銀三萬將次成議龔道等  
以該礦已奉 旨承辦不必鐵路公司與聞沙多擬將

此礦分三大股總公司北京公司商礦公司各得一股  
本按股出利亦按股分本銀擬籌二百萬兩龔等得紅  
股三十五萬總公司應出三分之一本銀五十五萬兩  
如不願出可轉售他人股利定八釐其餘按路礦總局  
新章辦理一二日內卽在京簽字等語查臨礦爲盧漢  
鐵路經由之地煤亦合用該礦與該路相依爲命本應  
歸總公司自辦惟總公司無此力量只得讓比商得三  
分之二未免利權外溢究竟中國留住一分較勝於無  
沙多因回國亟須定議龔道等亦願與沙多議定不及  
寄滬復核只得電派柯道代總公司簽字查礦務新章

第一條須先稟明外務部或專咨到部俟批准後方可  
准行應請飭令龔道柯道將所議合同呈送貴部查閱  
以免將來如有不合轉生枝節

寄東撫張安帥

四月十二日

各省制錢短缺私鑄日多江鄂閩廣奏辦當十銅元屢  
市通行足維圖法烟台中國銀行商董呈請總行墊本  
購機設局代鑄當十當五銅元背面刊明山東省造字  
樣賦課釐稅與現錢相輔而行鑄本盈餘酌提報効等  
語事關東省財政台端酌劑盈虛以爲可行或允撥助  
官本擬卽批准咨請援案奏辦請核復

外務部來電 四月十二日

臨城煤礦前准電咨議歸總公司承辦魚電讓比商三分之二究損利權惟柯道面稱現訂合同僅載新舊股東交替辦法至中比公司如何分派並未載明儘可由尊處與比公司另訂合辦章程等語應俟訂明咨部再行核復

成都奎樂帥來電 四月二十日

查現准路礦總局奏定新章凡擬開辦礦務者或華或洋均先稟明外務部如以爲可行知照總局發出執照此照奉到方可開辦又礦師赴各處勘

礦應呈報外務部咨明該省督撫札飭地方官保護各等語又川省礦產前因英法兩國互訂合同既不指定地段年限又復久遠各有爭先擇肥之意屢經駁辯大費唇舌奉外務部電嗣後無論何國請辦川礦切勿輕許等因法領哈士爲法比公司古叶爾再三請辦川礦迭經力拒在案公擬勘川礦如有洋股彼必藉口現英公司合同由外務部在京定議尙未咨川擬請尊處暫緩派員俟英約定案後再請查照新章辦理

京葛振卿尙書胡雲楣侍郎來電

四月二十一日

做郡飢民待振甚急我兄大力婆心不分畛域敬  
乞籌撥二萬金以解倒懸細情由寓滬同鄉面達

寄京葛尚書胡侍郎

四月二十五日

秦振餘款已經峴帥會同蘇皖贛三撫奏請撥放長江  
工振尊電惜已來遲聞紹郡祇因米貴筱帥截漕十萬  
平糴人心已定堪慰造懷

東撫張安帥來電

四月二十五日

烟台銀行代鑄銅元洵於東省財政有裨本可遵  
示商辦惟未接尊電以前已函商袁慰帥擬由直  
東兩省合鑄銀元銅元以便流通慰帥亦頗以兩



省合辦爲然烟台銀行所請一節似須暫從緩議如將來直東合辦之局不獲辦成屆時當由周王帥再與公妥商辦理因候慰帥消息是以電復稽遲祈諒之

寄外務部路礦總局

四月二十七日

鼓鑄需用銅鉛甚急查四川巫山大甯兩縣有銅鉛佳礦恐稍遲必爲洋人所得現擬由敝處派員帶領自僱之英礦師前往試挖如果佳旺再當奏咨專集華股開辦以保利權而杜覬覦應請貴部核准轉電川督查照寄川督奎樂帥

四月二十九日

巫大銅礦本擬專集華股開辦以資鼓鑄若稍遲必爲洋人所得敝處辦事向來不用洋股以後各省佳礦恐悉讓外人似應保得一分是一分台端請緩是否慮及有洋股抑另有他意除電商外務部外乞再核示

寄軍機處外務部路礦總局

五月初三日

比總工程司沙多來稟盧漢借款盡數已交行車已辦兩段該路如不通海口則每年付利還本國家至少須賠累二三百萬兩今聞北方公司因收回鐵路已與英人訂立合同凡有北地鐵路均不准他人辦理津保鐵路亦在其內去年比使得有全權大臣李中堂憑信內

開中國如定議築造津保鐵路必先儘盧漢承辦等語  
又貴宮保去年傳諭總理衙門電復以盧漢鐵路所請  
接展津保支路實爲保全幹路利益起見日後倘有他  
人請辦自當拒絕等語無論該路係盧漢天然支路並  
爲顧全盧漢借款必不可少之路而一旦失信外人將  
置中國全權大臣外務部於何地茲本國欽差已約同  
法國欽差向外務部理論務懇宮保速籌善法以維大  
局等語查盧漢不通海口而長江生意又爲英德國津  
鎮鐵路所分奪恐分還借款必不能敷是以比公司去  
年請由保定築一支路以達天津海口全權外務部皆

允如所請不料英佔津榆路交還之時另立合同索取許多利益竟將先允盧漢之津保支路一并包括在內從前法兵在保定時頗欲據我盧保鐵路以肆要求經宣懷力勸比國轉告法國不必要挾至盧漢應得通海利益中國爲還債起見必無不允其時歸我盧保毫無留難今若因其不要挾而轉失我已允之支路固不足以服外人之心且 國家負債纍纍若竟不顧盧漢生計轉瞬還款歲需賠墊二三百萬如何能支南北軌路同屬公家何敢稍分秦越惟望 朝廷顧念借款關係甚巨請速設法更正倘以津保已入英約礙難刪除惟

有允准盧漢由定興接造支路以達海口各守各約俾  
資補救是否有當乞速鈞裁

寄江督劉峴帥蘇撫恩藝帥

五月初五日

據袁道及商務局紳董稟滬市乏米勢恐滋事現派人  
赴湖北安南購運緩不濟急擬卽會列台銜電請借漕  
濟急電文如下京軍機處蘇松常太一帶米價騰漲每  
石售洋八元有奇民不聊生恐滋事端上海五方雜處  
洋兵未退事尤至急查本年江浙全漕因京津鐵路耽  
擱五月內方始開運現存招商局糙米七十萬石暫擬  
動借十五萬石由局會同滬道轉發上海商務局公所

及各州縣具領減價平糶俟九十月新米上市責成招商局會同商務公所如數買還倘有虧耗各屬紳捐資認賠約計輪船火車遞運本不能速一轉移間於海運交倉斷不因此延短並受出陳易新之益而貧民得資濟急地方賴以安靖伏乞 天恩俯准訓示請代奏坤一壽宣云云是否候示

愚齋存彙

卷五十七

三

愚齋存彙卷第五十七